



UCAPAN
PROF DATO' DR. MOHD FAKHRUDIN BIN ABDUL MUKTI
REKTOR KOLEJ UNIVERSITI INSANIAH (KUIN)
DI SEMINAR ANTI EKSTREMISME MELALUI
PENDEKATAN WASATIYYAH

PADA : 08 OGOS 2016
TEMPAT : DEWAN PERMAISURI TUANKU HAJAH
HAMIMAH

**TEKS UCAPAN PERASMIAN
REKTOR
SEMINAR ANTI EKSTRIMISME MELALUI PENDEKATAN
WASATIYYAH**

08 OGOS 2016 | DEWAN TUANKU PERMAISURI HAJAH HAMINAH

(SALUTASI)

Terima kasih Pengacara Majlis

Assalamualaikum Warahmatullahi Wabarakatuh dan Salam Sejahtera.

Yang Berhormat

Senator Dato' Dr. Asyraf Wajdi bin Dato' Dusuki

Timbalan Menteri di Jabatan Perdana Menteri (Hal Ehwal Agama)
mewakili

Yang Amat Berhormat

Dato' Seri Dr. Ahmad Zahid Hamidi, Timbalan Perdana Menteri

Yang Berbahagia

Tan Sri Abdullah bin Md Zin 

Penasihat Agama Kepada Perdana Menteri Malaysia
Merangkap Penggerusi Institut Wasatiyyah Malaysia

Yang Berbahagia

Dato' Wira Dr Afiffudin bin Haji Omar

Pro Canselor 2, Kolej Universiti INSANIAH

Yang Berbahagia

Tuan Usamah bin Yasin

Timbalan Presiden Rabitah Antarabangsa Alumni Al-Azhar

Yang Berbahagia

Dato' Haji Mohd Yusof Din

Pengarah Institut Wasatiyyah Malaysia

Yang Berbahagia

Prof. Madya Dr Mohd Roslan bin Mohd Noor

Timbalan Pengarah Akademi Pengajian Islam Universiti Malaya

Mewakili Pengarah Akademi Pengajian Islam Universiti Malaya

Yang Berhormat
Dato' Harun Bin Aziz
Ahli Dewan Undangan Negeri Kupang
Mewakili Yang Berhormat Datuk Seri Panglima Abdul Azeez bin Abdul Rahim
Ahli Parlimen Baling

YBhg. Tan Sri-Tan Sri, Dato'-Dato', Datin-Datin
Rombongan ahli ahad
Ketua-Ketua Jabatan Persekutuan dan Negeri

Para Pembentang Kertas Kerja

Wakil-wakil Institusi Pengajian Tinggi

Pemimpin-Pemimpin Masyarakat

para ahli masyarakat
Rakan-rakan Media

Peserta-peserta seminar

Tuan-tuan dan puan – puan yang dihormati sekalian.

Alhamdulillah, pertama sekali segala puji-pujian ditujukan kepada Allah S.W.T atas peluang dan kesempatan untuk kita bersama-sama berkumpul dalam satu seminar yang julung-julung kali diadakan iaitu Seminar Anti Ekstremisme Melalui Pendekatan Wasatiyyah ataupun *بِيَةِ الْمُواجهَةِ التَّطْرُفِيَّةِ وَسْطَ* bertepatan dengan ayat Al-Quran yang berbunyi *إِنْ جَعَلْنَاكُمْ أَمَةً وَسْطًا*

Selaku tuan rumah dan pengajur yang bekerjasama dengan Alumni Antarabangsa Al-Azhar Malaysia (WAAG) dan Akademi Pengajian Islam Universiti Malaya (APIUM), Kolej Universiti INSANIAH sangat berbesar hati atas kesudian semua para jemputan, pengurus sesi, pembentang kertas kerja, dan peserta sekeliannya untuk hadir dan seterusnya sama-sama menjayakan perhimpunan ilmiah ini.

Seminar yang bakal berlangsung pada 8 & 9 Ogos 2016 iaitu bermula pada hari ini dan esok akan melakarkan sejarah yang tersendiri kerana:

- i. Pertamanya, majlis ini menghimpunkan pembentang-pembentang dari pelbagai latar belakang pendidikan dan profesion serta pengalaman yang luas dalam bidang masing-masing yang saya merasakan pemilihan yang tepat dalam mengupas isu Anti Ekstremisme Melalui Pendekatan Wasatiyyah ini.
- ii. Keduanya, seminar yang dianjurkan ini bukan sahaja hasil usaha Kolej Universiti INSANIAH selaku pengajur dan tuan rumah tetapi juga kita mendapat kerjasama daripada Jabatan Akidah & Pemikiran Islam, Akademi Pengajian Islam, Universiti Malaya, Institut Wasatiyyah Malaysia, Biro Tatanegara Jabatan Perdana Menteri dan juga Rabitah Antarabangsa Alumni Al-Azhar Malaysia (WAAG).

YBhg. Tan Sri-Tan Sri, Dato'-Dato', Datin-Datin, Tuan-tuan dan puan – puan,

Penganjuran seminar ini adalah bagi membuka mata semua pihak dengan isu yang amat hangat diperkatakan ketika ini iaitu Ekstremisme. Umat Islam dilabelkan dengan istilah penganas hanya kerana beberapa pihak yang menggunakan pendekatan yang terlalu ekstremis dalam menyelesaikan permasalahan yang berlaku di dunia kini. Oleh yang demikian, seminar yang bakal dijalankan ini diharapkan dapat membuka mata setiap insan dari pelbagai lapisan masyarakat dan agama untuk melihat dengan lebih dekat ekstremisme ini dan juga bagaimana kita dapat mengadaptasikan dengan pendekatan wasatiyyah yang sebenar.

Sehubungan itu, saya selaku Rektor Kolej Universiti INSANIAH juga ingin mengalu-alukan kedatangan para tetamu sekelian ke kolej universiti ini dan dapat melihat sendiri panorama indah bumi KUIN ini. Sebuah Kolej Universiti Islam yang sedang mengorak langkah dalam memacu dan melahirkan insan-insan terpelajar dan terpimpinan dengan nilai-nilai Islam yang sebenar. KUIN

yang dahulunya dikenali dengan INSANIAH iaitu Institut Agama Islam Negeri Kedah sehingga bertukar kepada Kolej Universiti INSANIAH pada 15 Mei 2006. Kini KUIN sudah memiliki kampus yang tersergam indah. KUIN diberisi oleh kakitangan akademik yang berkaliber terdiri dari pelbagai negara dan pelbagai bidang pengkhususan yang tertentu dan mempunyai kepakaran dalam bidang masing-masing. Keistimewaan pengajian di KUIN iaitu kita mewajibkan bagi setiap jurusan pengajian perlu menghafaz Al-Quran sebagai syarat graduasi. Suasana Islamisasi dalam kalangan mahasiswa masih terjaga dan terperlihara dengan menitikberatkan aspek kerohanian dalam diri setiap mahasiswa tanpa mengenepikan teknologi yang sedang berkembang pesat membangun dewasa ini.

YBhg. Tan Sri-Tan Sri, Dato'-Dato', Datin-Datin, Tuan-tuan dan puan – puan,

Saya mengalu-alukan kepada para tetamu sekalian untuk mendaftarkan anak-anak kita ke Kolej Universiti Insaniah ataupun membantu menghebahkan kepada rakan-rakan sebagai saham akhirat bagi pembangunan institusi pengajian tinggi Islam.

Seminar yang akan diadakan selama 2 hari ini dengan 8 sesi pembentangan diharapkan dapat menyumbang banyak cadangan dan buah fikiran yang bernes dan bermanfaat dalam membantu Umat Islam memahami erti Ektremisme yang sebenarnya. Semoga semua kerjasama dan sumbangan tuan-tuan dan puan-puan sekelian akan dibalas sebaik-baiknya oleh Yang Maha Pemurah lagi Maha Adil, Allah al- Jalil.

Bagi pihak KUIN, saya ingin merakamkan penghargaan istimewa dan jutaan terima kasih kepada Yang Berhormat Senator Dato' Dr. Asyraf Wajdi Bin Dato' Dusuki Timbalan Menteri di Jabatan Perdana Menteri yang mewakili Yang Amat Berhormat Dato' Seri Dr Ahmad Zahid Bin Hamidi Timbalan Perdana Menteri Malaysia atas kesudian beliau untuk merasmikan pembukaan Seminar Anti Ekstrimisme Melalui Pendekatan Wasatiyyah ini. Saya juga ingin mengambil kesempatan ini untuk merakamkan jutaan terima kasih kepada

semua pihak yang telah bermurah hati menyumbang dana dalam penajaan seminar yang diadakan ini. Turut tidak saya dan seluruh ahli jawatankuasa seminar lupakan, terima kasih yang tidak terhingga kepada semua pihak yang menjayakan seminar ini, khasnya para pembentang kertas kerja, para pengerusi sesi, dan ahli jawatankuasa sekaliannya sama ada yang terlibat secara langsung mahupun tidak langsung dalam seminar ini, Jazakumullahu Khairan Kathiran.

Akhir kata, saya dengan harapan yang besar amat mengharapkan semoga seminar ini akan dapat mencapai matlamatnya dengan jayanya, Insha' Allah. Saya sudahi ucapan ini dengan Wabillahi Taufiq Wal Hidayah Wassalamu Alaikum Wa Rahmatullahi Wa Barakatuh.

***PEJABAT REKTOR
KOLEJ UNIVERSITI INSANIAH
08 OGOS 2016***